

STJÓRNARTÍÐINDI B 55 – 2005

Nr. 413

690

31. mars 2005

REGLUGERÐ

um breytingu á reglugerð um bragðefni í matvælum, nr. 587/1993,
með síðari breytingum.

1. gr.

Við viðauka bætast eftirfarandi gildi fyrir koffín:

Efni	Drykkjarvörur	Önnur matvæli	Sérstök skilyrði
Koffín	150 mg/l að hámarki		

2. gr.

Reglugerð þessi er sett með stoð í 18. gr. laga um matvæli nr. 93/1995 sbr. og lög um hollustuhætti og mengunarvarnir, nr. 7/1998, með síðari breytingum.

Reglugerðin öðlast gildi við birtingu.

Umhverfissráðuneytinu, 31. mars 2005.

F. h. r.

Magnús Jóhannesson.

Sigríður Auður Arnardóttir.

Nr. 414

31. mars 2005

REGLUGERÐ

um breytingu á reglugerð um aukefni í matvælum, nr. 285/2002,
með síðari breytingum.

1. gr.

Orðin „Kaffeín 135 mg/l aðeins í tilbúna gosdrykki“ í 4. lið, 1. flokki í 14. kafla aukefnalista í viðauka 2 falla brott.

2. gr.

Reglugerð þessi er sett með stoð í 18. gr. laga um matvæli, nr. 93/1995 sbr. og lögum um hollustuhætti og mengunarvarnir, nr. 7/1998, með síðari breytingum.

Reglugerðin öðlast gildi við birtingu.

Umhverfissráðuneytinu, 31. mars 2005.

F. h. r.

Magnús Jóhannesson.

Sigríður Auður Arnardóttir.

AUGLÝSING

um breytingu á aðalskipulagi Akureyrar 1998-2018, íbúðarsvæði við Baldurshaga.

Samkvæmt 19. gr. skipulags- og byggingarlaga nr. 73/1997 hefur ráðherra þann 3. maí 2005 staðfest breytingu á aðalskipulagi Akureyrar 1998-2018 frá 4. september 1998.

Breytingin felst í því að um 5000 m² óbyggt svæði milli Þórunnarstrætis og Mylluklappar breytist í íbúðarsvæði. Þar verður heimilt að reisa allt að 7 hæða hús með allt að 40 íbúðum.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki bæjarstjórnar Akureyrar. Skipulagsstofnun hefur afgreitt erindið til staðfestingar.

Breytingin öðlast þegar gildi.

Umhverfissráðuneytinu, 3. maí 2005.

F. h. r.

Magnús Jóhannesson.

Ingibjörg Halldórsdóttir.

AUGLÝSING

um breytingu á aðalskipulagi Vatnsleysustrandarhrepps 1994-2014, íbúðarsvæði við Miðdal, Heiðardal og Leirdal.

Samkvæmt 19. gr. skipulags- og byggingarlaga nr. 73/1997 hefur ráðherra þann 2. maí 2005 staðfest breytingu á aðalskipulagi Vatnsleysustrandarhrepps 1994-2014 frá 16. nóvember 1994.

Breytingin felst í því að íbúðarsvæði við Miðdal stækkar til austurs sem nemur einni húsagötu, íbúðarsvæði við Leirdal stækkar um þrjár lóðir auk þess sem göngustígur austan núverandi íbúðarbyggðar færist austar í samræmi við breytingarnar. Á svæðinu sem breytingin tekur til er gert ráð fyrir einbýlis-, par- og raðhúsum á einni hæð, alls 18 íbúðum.